




SPIRITISMO EKSPONÉ

Lès 10 pa Yüni 8, 2024




" Pasombra Señor mes lo baha for di shelu, ku un mandato duru, ku e bos di e arkangel i ku e yama di tròmpèt di Dios, i e mortonan den Kristu lo lanta promé. Despues di esei, nos ku ta na bida ainda i ku a keda lo wòrdu tumá huntu ku nan den e nubianan pa kontra ku Señor den laira. Y asina nos lo ta pa semper ku Señor." (1 Tesalonisensenan 4:16, 17)

E promé mintira ku e diabel a bisa nos tabata: “ Lo bo no muri ” (Gen. 3:4). Y nos a kere esei !

Kasi henter di humanidat a kere – i ta sigui kere – ku nos tin un alma inmortal òf, na algun manera, algun parti konsiente di nos ser ta sobrevivá morto.

E Beibel, alkontrario, ta kla i enfátiko: “ E alma ku peka lo muri ” (Eze. 18:20). E konflikto kósmiko ta drai rònt di un pregunta klave: Ken bo ta bai kere, e diabel òf Dios?



Spiritismo i morto:



Un alma inmortal.



Morto den Tèstament Bieu.



Morto den e Tèstament Nobo



Spiritismo den e último dlanan :



Señalnan i maravianan.



E ophetivo di spiritismo.

SPIRITISMO I E MORTO



UN ALMA INMORTAL

“ Manera un nubia ta disparsé i no tei mas, asina unu kende ta baha den e graf no ta subi bèk(regresá).” (Jòb 7:9 NIV)



Por lo general, ta wòrdu keré ku e ser humano tin un dòbel naturalesa: kurpa i spiritu (òf alma). Ta wòrdu keré ku e dos partinan aki por biba independientemente.

Pero e Beibel ta siña nos ku nos ta komponé di tres “ parti ”: “spiritu, alma, i kurpa ” (1Tes. 5:23). Tambe e ta siña ku e partinan aki ta interdependiente. Genesis 2:7 ta siña nos ku Dios ta krea un kurpa, ta inyekt’é ku bida (spiritu), i e ta bira un ser bibu (“ ser,” na Hebreo, ta *nefesh* = “ alma”).

E alma, p’esei, ta e union di e kurpa i e spiritu. Nos no tin un alma, nos TA un alma.

Ora ku e rosea di bida laga nos, nos ta stòp di eksistí. Ningun parti di nos ser tin eksistensia konsiente despues di morto. E kurpa ta muri, e spiritu (e forsa di bida) ta regresá na su Dunadó, i e alma, e produkto di e union di kurpa i spiritu, ta stòp di eksistí (Ekle. 12:1-7; Eze. 18:20; Jòb 7 :7-9).



UN ALMA INMORTAL

“ Manera un nubia ta disparsé i no tei mas, asina unu kende ta baha den e graf no ta subi bèk(regresá)” (Jòb 7:9 NIV)



Desde ku piká a drenta nos mundu, Satanás a huza hende kende a buska pa komuniká ku e mortonan i gana for di nan konosementu speshal di e presente òf e futuro.

E tipo di hendenan aki, kende a huza tambe otro medionan manera inkantashon, magia òf astrologia, aktualmente ta konosí komo spiritistanan.



E Beibel ta siña ku “ ken ku ta praktiká e kustumbernan aki lo bira abominabel na SEÑOR ” (Deut. 18:10-12 NIV). E kastigu pa e krimen aki tabata morto (Lev. 20:27).

“ Ora ku un persona bisábo pa konsultá montadónan i spiritistanan, kende ta papia ketu-ketu i ta murmurá, un pueblo no mester konsultá ku su Dios? Pakiko konsultá ku e mortonan na nòmber di e bibunan? Konsultá Dios Su instrukshon i e testimonio di spiertamentu. Si kualke hende no ta papia conforme e palabra aki, nan no tin lus di mardugá ” (Isa. 8:19-20 NIV).

MORTO DEN E TÈSTAMENT BIEU

“ No ta e mortonan kende ta alabá Señor, ni esnan ku ta baha den e lugá di silencio ” (Salmo 115:17)



Ounke ningun hende ta bisa na un entiero “ nos famia ta biahando direktamente na fiernu ,” hopi konfeshonnan ta siña ku, na morto, e “ bonnan ” ta subi direktamente na Shelu pa ta ku Hesus, i e “malunan ” ta wòrdu kastigá òf simplemente ta dual. Pero kiko e Beibel ta siña tokante esaki?

Nos por alabá Dios despues di a muri?

Salmo 115:17

Esnan kende ta muri sa loke ta sosodé ku nan famia òf amigunan?

Jòb 14:21

E morto por interaktua ku e bibunan?

Eklesiastes 9:6

Nos por sigui pensa despues di a muri?

Eklesiastes 9:5

Nos lo ta kapas pa kumpli ku kualke tipo di aktivitat despues di morto?

Eklesiastes 9:10

E Tèstament Bieu ta siña ku morto ta un soño. Soño pa lanta solamente ora ku Dios ta yama nos bèk na bida (1 Reinan 2:10; 14:20; Dan. 12:13).




MORTO DEN E TÈSTAMÈNT NOBO

“ Nos amigu Lázaro a pega soño; pero Ami ta bia einan pa lant'é ” (Juan 11:11)

E Tèstamènt Nobo ta siña, manera esun Bieu, ku morto ta un soño for di kaul solamente Hesus por lanta nos (Juan 11:11-14; Juan 5:28-29).

Ora é tabata skirbi na e Tesalonisensenan, Pablo a papia ku nan tokante di “ esnan kende ta na soño, “ esei ta, esnan kende ya kaba a muri, I a bisa nan ku nan lo wòrdu resusitá pa bai ku Hesus na Su Segunda Binida (1Tes. 4:13-18). Si Pablo a kere ku kreyentenan ta bai direktamente serka Hesus ora ku nan muri, é lo a bisa nan esei enbes di e loke el a bisa nan.



Ora é tabata papia di e mortonan, Pablo ta bisa ku nan lo wòrdu hasí bibu “na Su binida,” i no promé (1Kor. 15:22-24). Tambe é ta bisa nos ku “nos tur lo no muri.” E bibunan lo wòrdu transformá den un momentu, pero e mortonan lo lanta transformá kaba (1Kor. 15:51-52).

E resurekshon ta e yabi pa ta ku Hesus. Sin resurekshon, no tin ningun salbashon (1Kor. 15:13-18). E lo ta den e resurekshon ora ku nos lo risibí nos erensia, i pesei nos mester spera pa e momentu ei (1Pedro 1:3-5).




SPIRITISMO

DEN E

ÚLTIMO

DIANAN



SEÑALNAN I MARAVIANAN

Pasombra Kristunan falsu i profetanan falsu lo lanta i lo hasi señalnan i maravianan pa gaña, si ta posibel, asta e skohinan." (Marko 13:22)



Spiritualismo ta e movemientu guiá direktamente dor di Satanás, i su fundeshi ta e inmortalidat di e alma. Su siguidónan ta kere ku nan lo por komuniká ku e mortonan, i ta reklamá pa risibí podernan sobrenatural for di nan.

Ounke nan ta wòrdu limitá dor di Dios awor, e tempu lo yega ora ku E lo permití nan pa ehekutá milagernan irefutabel ku lo asombrá esnan kende ta mira nan (Marko 13:22; 2Tes. 2:9; Rev. 7:1 ; 13:13-14).

Despues di a mira e restorashon completo di un persona terminalmente malu; un vehíkulo a wòrdu pará asina pa e no pasa over di nos; òf nos mama stimá, awor fayesido, papiando tiernamente ku nos dilanti nos mes wowonan ... Nos lo no kere esun kende ta aktua tal maravianan? Nos lo no ta kapas pa konfia nos sentidonan òf nos sintimentunan.



Solamente siguridat den loke ku nos sa di Dios Su Palabra, i konfiansa completo den Hesus, lo permití nos pa resistí e último tentashonnan di e enemigu (Isa. 8:20; Efe. 6:13).

E OPHETIVO DI SPIRITISMO

“ Nan ta spiritunan di demoñonan ku ta hasi señalnan, i nan ta sali bai serka e reinan di henter mundu, pa reuní nan pa e bataya riba e gran dia di Dios Todopoderoso” (Revelashon 16:14)

Satanás su intenshon ta pa gana e guera kontra di Dios, tumba Su obiernu, i okupá Su trono (Isa. 14:13-14). Pa hasi esaki, é lo huza kualkier strategia pa konkistá kada un(tur hende), kuminsando ku e podernan politico ku ta gobierna nos (Rev. 16:12-14).

“ Komo e akshon supremo den e gran drama di desepshon(engaño), Satanás mes lo personifiká Kristu

“ (EGW “The Great Controversy”, Chapter 39 p. 625.)



Pero lo ta na e momentu ei ora ku Hesus lo pone un fin na e historia (Rev. 16:15). Satanás ta un enemigu derotá. Derotá pa medio di Kristu, i derotá pa medio di esnan kende ta pega(kologá) na Su sanger (1Juan 2:14; 4:3-4; Rev. 3:21; 5:5; 12:11).

E señal distintivo di esnan kende ta konfrontá desepshonnan spiritualista ta: “ nan ta obedesé e mandamentunan di Dios i ta keda fiel na Hesus “ (Rev. 14:12 NIV).

“ Mi a mira ku e santunan mester tin un komprendementu kompletu di bèrdat presente, kual nan lo ta obligá pa mantene for di e Skrituranan. Nan mester komprendé e estado(kondishon) di e mortonan; pasombra e spiritunan di diabelnan lo aparesé tòg na nan, profesando di ta famianan stimá òf amigunan, kende lo deklará nan doktrinanan no-skritural. Nan lo hasi tur kos na nan poder pa stimulá(animá) simpatia i lo hasi milagernan dilanti nan pa konfirmá loke ku nan ta deklará. E pueblo di Dios mester ta prepará pa resistí e spiritunan aki ku e bèrdat di Beibel ku e mortonan no sa nada, i ku esnan ku ta aparesé asina ta e spiritunan di diabelnan.”

EGW (Early writings, p. 262)